

續修四庫全書



《續修四庫全書》編纂委員會編

續修四庫全書

上海古籍出版社

一四一六・集部・別集類

松鶴山房詩集九卷 松鶴山房文集二十卷（存詩集九卷，文集卷一至卷二、卷四至卷十一、

卷十三、卷十五至卷二十）（文集卷一至卷二十）〔清〕陳夢雷撰……………一

聊齋文集四卷〔清〕蒲松齡撰……………三四三

艸亭先生集七卷（文集二卷、詩集四卷、補遺一卷）〔清〕周篆撰 年譜一卷〔清〕周廉等撰……………四二九

橫雲山人集三十二卷（颺言集、山暉集、望雲集一）〔清〕王鴻緒撰……………五三一

松鶴山房文集卷之一目錄

擬詔

御試 擬督撫薦舉廉能以興吏治詔

頌

擬

駕幸 闕里釋奠頌

擬

聖太后 萬壽頌 有引

恭讀

松鶴山房文集卷之一目錄

御製 詩集頌 有片

箴

敬天勤民箴 有序 癸丑年恭進

表

擬

上以 漠北蕩平

允廷 臣請勒石紀功廷臣

賀表

擬

上命纂修明史告成廷臣

進表

擬

上預蠲湖南三十九年地丁錢糧欲使民

謝表

擬

上念昇平五十載文教日盛

特旨蠲免各直省地方錢糧又

特旨各直省鄉試廣額羣臣

松鶴山房文集卷之一目錄

謝表 康熙五十年

疏

三十八年正月二十一日疏

擬陳奉天事宜疏

擬陳防海事宜疏 甲申仲春

四十四年五月疏

告假疏

四十八年二月請假疏

四十九年請假疏

一卷目錄終

松鶴山房詩集
松鶴山房文集

二
〔清〕陳夢雷撰

據北京圖書館藏清康熙銅
活字印本影印原書版框高
二一〇毫米寬三〇四毫米

擬詔

御試擬督撫薦舉廉能以興吏治詔 庚戌季春

朕惟安民必先察吏周官六計以廉為先子輿論治
惟能是使由來尚矣朕夙夜孜孜勤求治理而閭閻
未盡阜康風俗未盡丕變獄訟未盡衰息得無親民
長吏漠不加之意而澤不下究歎抑鼓勵或闕廉能
之君子多壅於上聞耶何吏治之不如也夫三年
計典加以舉劾豈乏激揚而吏不加勸意者舉錯失
實所謂廉者未必廉能者未必能也督撫封疆表帥

松鶴山房文集 卷之一 擬詔一

尚其正己率屬虛公採訪毋務苞苴直母徇情面母任
胥吏果其清望允孚吏績懋著即特疏奏聞從優遷
擢以弘獎勵庶民生有賴無負朕嘉惠元元至意其
有知而不舉舉而多乖坐以欺蔽之罪爾其勗哉
得一道人曰委折深厚得漢人之意而澤以近今之
筆宜其雅俗共賞

頌

擬

駕幸闕里釋奠頌

臣聞圖書權輿義吳精一授受唐虞自是三代哲王
皆睿聖繼天懋建皇極治統既崇道統聿煥東周孔
子秉鐸洙泗贊修刪定羣聖集成子輿傳心有宋諸
賢遠紹丕緒三代以降道在師儒漢高太牢崇祀明
章拜老臨雍唐宗講藝投戈宋祖修文偃武雖崇儒
有典而大道未弘然則師承尼父齊軌動華使二儀

松鶴山房文集 卷之一 頌一

運昌七曜增炳首出

聖神端在今日伏惟我

太祖高皇帝肇創丕基

太宗文皇帝恢弘大業

盛京締建首崇

文廟萬年文治實始基焉

世祖章皇帝一統區夏重道崇儒我

皇上臨御以來孝養

兩宮歡同萬國誠禋

九廟賦

協三靈義文奧旨典誥鉅經扶蘊洞微精粗一貫猶
復明揚巖岫咨訪臣工師濟盈廷鳳麟在藪固已梯
航八荒共球六合矣扈頑梗夏百蠱千虞井底稱雄
夜郎自大

天威有赫

廟算神運命將授鉄妖氛澄廓寰海內外悉主悉臣日南
奉琛月支款穀不難泥金檢玉鋪揚鴻鉅乃陋秦漢
之封禪修虞周之時邁痼瘵民瘼詢俗觀風屯七萃
駕六飛陟岱宗瞻闕里篤高山景行之慕邈祖述憲

章之隆

勅誡嘉辰虔共鬱鬯燎火初升靈爽斯格

皇情肅穆

宸翰輝煌俎豆光騰官牆瑞靄復進聖喬講席榮開說禮

陳詩簡英擢俊視漢元褒成之錫晉武奉聖之封

寵命溥加禮秩異數蓋自書契以來尊聖宗儒無逾此日

扈從臣工集觀岳牧鱗聚駢瞻莫不忭躍咨嗟同聲

咏嘆曰尼山集成羣聖作師于昔我

皇上統貫百王作君于今治統道統分而復合皇哉唐哉

松鶴山房文集

卷之一 頌三

浩蕩

雲就

日之

天章

萬世一時也頌聲之作烏可以已乎昔奚斯闕官蘭
臺典引皆侈陳鉅麗蔚爲國華矧大道宏昭率土共
慶有生何幸實際昌時賤臣以葑菲陋質早侍清華
溝瀆餘生重霑

雖擬宅流之典幸居湯沐之邦未得隨瞻

侶共仰

猶幸從衢歌巷舞之倫與傳盛事拜颺無自何敢效
卷阿之鳳鳴謳誦有懷庶幾同虞廷之獸舞已爾敬

松鶴山房文集

卷之一 頌三

作頌曰

鴻濛肇判圖畫爰彰伊祁媯汭執中垂裳文武姬公

實紹夏商鐸鳴洎道歸素王漢興馬上六籍粗演

唐宋元明文治敷衍章縫輩起微言是闡匪亶

聖神大道孰顯

太祖締造焜耀武功

太宗嗣服宣聖是崇

世祖執極九有同風道暨我

皇旭曜昇東

兩宮歡洽

九廟禮格神饗

圓丘祇歆

方澤聲

律身度圓圭方璧質誕岐嶷功崇墳籍體元廣運行
健自強朝乾夕惕日就月將拔茅籲俊采登良卑
宮纘禹解網紹湯化溢漭沈澤湛汪濺蛟螭煦春動
植霑霑熾極而豐孽牙狡獪

皇威

天稟

有赫命鉞建旆龍韜
虎旅雷轟霜清皎鱷電掃躡趾扶桑稽顙若木來庭

靈揚北漠浪宴南溟類

帝禮宗

告成柴望痾瘵軫衷時巡豫邕甸師清野伏飛治鞮
宗伯展儀司農庀餉上元幹運律中黃鍾閣道直漢
天策耀蹤仗迎華蓋蹕殷豐隆珠旗爍日羽葆流虹
軟翼紫虬驂驥駉駉玉鸞和音金根就軌露浥龍旌
風承豹尾瞻雲岱宗屯星闕里柔日諏吉肅穆几筵
牲牲告潔圭瓚修虔

天章

宸翰

揮灑江海注川
炳煌日月麗天象勾萬舞簫韶九奏千官駿奔百禮

皇情

詳究翠烟浮景綠字雲覆丹燎燭霄赤文綺繡
穆穆聖貺洋洋壁鏘金石地潤珪璋卿雲爛敷景星
燦光騶麟翱翔鸞鳳下翔爰廣

殊恩

簡遜哲裔講幄弘開琅函演肄虎賁園橋通侯考藝
藻騰貞檜輝映靈著彪彪炳赫赫明明百王千聖
玉振金聲太史占雲簡奏休徵奎章煥爛東壁晶瑩
甘露天滋醴泉地湧琛羅玉琯瑞呈銀甕士女謳吟
臣鄰歌頌文配河龍響諧鳴鳳太常協律德盛聲宣
鏗鉤律呂和鬯管絃周洽九垓黼藻八埏

皇圖

鞏固億萬斯年
得一道人曰命意必極高卓無一筆委靡措詞必極
典雅無一字俗艷細心考究自見莫漫作館閣應

制文字草草看去

朱起莘曰壯麗古健漢魏遺音

松鶴山房文集卷之一頌五

皇太后

萬壽頌 有引

擬

維上章執徐之紀歲實

皇太后

化甲聿週之大年我

皇上

乃合萬國之歡心隆

萬壽之

慶典大禮爰行頌聲乃作敬作頌曰

粵稽前史載遡皇極天亶聖神祥鍾母德虹潛電極

軒昊是則惟我

聖母

儀萬國

天眷我

清受命自東

太祖

太宗功德崇隆

世祖膺圖六合攸同倪天作配化自

中宮任媿嗣音馬鄧紹武惟我

聖母徽光前矩葛覃教行樛木恩溥螽斯歌仁麟趾錫祐我

皇建極

慈訓是經澤洋膏渥赫聲濯靈扶桑稽顙若木來庭風清瀚

松鶴山房文集 卷之一 頌六

聖人

海浪偃南溟億兆心歡八荒入獻

奉母萬邦為憲治躋登三仁同育萬誰非子臣共仰

至願執徐紀歲律協應鍾花甲聿週昌期正逢醴泉

玉映甘露珠融雅賡天保嵩祝華封南極澄輝飛黃

遠貢苑集神鳥庭儀威鳳慶溢蠉生喜偕蠕動

坤元求

貞衢歌巷頌

三靈式

朕萬彙呈祥河清海晏歲穰時康萬方仁壽千禩

明良用諧金石求播官商

松鶴山房文集 卷之一 頌七

恭讀

御製

詩集頌有序

竊惟乾元丕冒炳儀象於日星坤德含弘表高深於河岳天地以大文陶鈞萬類帝王即以人文化成萬邦自圖啓龍師字垂鳥跡然書契雖興于太昊賡歌則盛于重華喜起既陳外史猶稱復旦功叙有奏他編別紀薰風此外雖有傳心立政之文罕覩節性陶情之什漢高治紹三古僅聞風起雲飛孝武學表六經祇擅菊芳蘭秀齊梁藻思獨綺非復正始遺音唐

松鶴山房文集

卷之一頌八

宋卷帙遂多未免騷人餘習若夫上追帝世並美虞廷合兩大以導豫宣和統百王而金聲玉振必待聖人作觀然後文治大光欽惟

皇帝陛下

聰明睿智

文武聖神

宵旰勵精每自強而不息

仁恩廣被太容保以無疆

文明同日月之麗天

睿思如江河之行地

垂箴著訓凡並二典三謨

寄興成章備該六義四始

泰壇肅祀凜奉若于鑒觀

成邈恢弘之啓佑王業艱難有本訪濠塹之遺蹤土階儉樸堪師寫丹青之舊構篤明禮于

九廟金鋪別苑猶興繼述之思敦孝養于

兩宮銀燭江干且動奏箋之感凡此敬

天法

松鶴山房文集

卷之一頌九

祖之大時或見于咏歌至于愛民勤政之誠每多傳于篇什

蒙陰早雪喜慰三農朱夏驕陽興思六事步禱感四

郊之霽霈繪圖悉萬井之辛勤憫傍水之田廬立授

平成之績念洊飢之黔庶大開輪輓之施至若讀無

逸而三復于田功覽貞觀而一斷于修德觀天詠器

義勅時幾講易開筵旨探人極中書天下本勗謹始

以圖終鎮鑰重臣膺戒崇廉于晚節此皆

聖學之精蘊偶從詞翰以宣揚若夫虎旅橫戈洱海依然

夔甲

鸞旂

出塞天山早已挂弓。乃露布來自滇黔。勉克終于百

職。鏡歌歸從海嶠。念久困于羣黎。恩全朔漠之俘累。

澤霈窮荒之屬國。叮嚀至再。肫肫普覆之仁。咨傲類

申翼翼小心之旨。此則參大造而無外。寧誇月露風

雲入聖域而獨優。豈僅詞章字句難縷陳其備。美姑

約舉其宏綱大抵。一本於無邪。

詞旨。悉規乎大雅書之于史。皆千萬世之師尊之為經。在

三百篇之上。詎幸蒙

松鶴山房文集 卷之一 頌十

再。造得仰

行。鑿復荷

殊。恩許隨

蹕。藩邸入都七載。未得一效涓埃。護

經句何幸三承

寵賚

奎章乍捧。榮光上燭星辰。

寶帙初頒。瑞彩騰輝日月。譬觀海者望洋。驚嘆思蠡測

以何從如聞雷者久。蟄昭蘇亦蟲吟而欲奮。敢謂拜

颺於

謬同擊壤於康衢。謹稽首頓首作頌以獻曰。

其一

一畫開天鴻濛肇判。虞廷勅箴。篇章聿煥。宣聖刪定。

三百為斷。漢魏三唐。紛華爛熳。文明化成功符。參贊

疇振元音。道藝一貫。

其二

聖神天亶。萬國交同道。參太始。德並昊穹。學本六籍。心傳

一。中準經酌史。挖雅揚風。詞參文質。聲含徵宮。詩教

昭明如日升東

其三

將享有歌。生民有作。姬公制禮。天祖是恪。我

皇昭事。道符冥漠。夙夜敬止。鴻基式廓。對越紹庭。自傳心

學。珥筆史臣。難名欽若

其四

思齊下武。定省未詳。我

皇孺慕。念念勿忘。野禽遙獻珍寶。馳將承顏視膳。無間巡

方。誰非人子。請誦

松鶴山房文集 卷之一 頌十一

宸章。惇俗移風。孝治用光。

得一道人白極莊重語却說得風流蘊藉

其五

國計民依農桑是主問夜瞻雲桑田靈雨何似
備詳疾苦圖繪其形詩悉其緒為勸農經為蠶女譜

為萬民天為萬國祐

得一道人曰語不板腐綽有情趣

其六

授時齊政肇自唐虞理數失傳立法代殊裁成輔相

松鶴山房文集 卷之一 頌十二

卓哉

聖謨。六術九章。挾奧持樞。五緯順位。四序無渝。曰旦勅。幾為萬世模。

其七

聖心。殷禱桑林。周奠圭璧。祈年卜歲。昭格驛使。星馳先春。雨澤步禱。精虔九達。甘液冬雪。慰懷春雲。望迫參贊。砥礪垂訓。無斁。

其八

一人。有慶懋建。

元良早弘諭教無間就將

睿聖承歡燕翼道長分藩錫爵式迪義方四箴立體勤
儉守常修齊大訓平治大綱

其九

明良既歌栢梁繼起。麗日和風昇平盛事。綠野歸賢。鹽梅黃綺鐘鼎丹青。酬勳世美一德保終。恩同天地。率土勸忠。微爾青史。

其十

隨刊既遠疇軫懷。瓠子與歌三策孰長。

松鶴山房文集 卷之一 頌十三

帝心。睿徵指授多方平成奏績允翁淮黃戒前善後

睿慮。周詳萬年禹功謳誦未央

其十一

江漢六月陳詩紀績

聖仁。神武兵皆耀德閩粵投戈滇黔偃革。波晏南溟烽銷。塞北並生覆幬垂誠翼翼大哉

聖言。奕世是式

其十二

易包象數書紀政程濂洛關閩析理斯精探原滙要

聖學大成敬爲心法健全天行政垂爲典言出爲經請播

金石丕振

天聲

得一道人曰應制之文不難鋪揚鴻鉅難于立言扼要況此等題可鋪揚者多若煩雜失倫一味獻諛便心目俱厭矣事舉其綱且據其實有質有文不傷浮艷有情有致不入板俗雲霞之章金石之響未許粗心人草草讀去

松鶴山房文集卷之一 頌十

皇上

敬天勤民箴有序癸丑年恭進
御極十有二載澤周中外化被寰區乃以萬幾之暇
選詞臣而試之蓋匪徒游心文藝而已固將謂芻蕘

高深

一得之陳或有當於
之萬一也臣雖愚陋敢竭鄙衷臣惟自古帝王膺圖
御錄固將上疑天休下邇人和衍億萬年無疆之慶

皇上

味爽視朝宵衣待旦勤民可謂至矣祀事祗虔明禋
肅穆敬天可謂至矣良竊謂君之于天不啻子之于

松鶴山房文集卷之一 議一

親君之子民不啻親之子子之于親也承歡養志
有一之未周焉孝子之心未敢慰也親之于子也撫
循噢咻有一之未至焉慈父之心未即安也故敬天
者當思上天之付我者甚重而出王游衍常若天命
去留之故警于其心勤民者當思下民之望我者至
切而起居號令常若民生向背之機惕于其目如是
而廟堂之上朝乾夕惕志氣振奮而百度用康庶幾
大化翔洽純禧永錫也在昔成湯聖敬猶勒盤銘武
王執競猶箴戶牖臣仰窺我

皇上敬天勤民之意效古人傳言獻規之遺敬為箴以獻

曰

惟皇建極統御萬方。凝天之命。立民之綱。於昭上帝。其命靡忒。眷顧何私。歸于有德。念彼黎元。作之君師。曰。且曰。明日。監在茲。何以答天。尚其謹畏。中懷乾惕。夙興夜寐。何以惠民。尚恤其艱。一夫不獲。念切痲瘵。在昔聖王。昭事小心。翼翼體元。行健幾康。自敕彼曷。不恣情逸樂。而稍期于宴息。誠凜乎帝命之難。謀在自強。以合乎天。則在昔聖王。圖治寸陰。毋玩未明。求

松鶴山房文集

卷之一 箴二

衣。心常恐晏彼曷。不任心恣。雖而稍就。乎泮渙誠。惕乎眾志之難。孚在奮精。以勵乎宵旰。母謂天高。天聽至聰。匪陟降于郊壇。而陟降于深宮。母謂民愚。民心至公。匪從違於號令。而從違於

聖躬。

遜賢拔俊。匪曰由我之衷。當思帝心之簡。在期眾志之僉。同明刑。敕法匪曰惟意之從。當體昊蒼之慘。矜念輿情。志翕通天。休浚至母。或滿盈懼。感格之未導。匪敢恃。而自寧。雨暘愆期。母曰氣數。恐怨咨之方深。得毋滋其傲懼。洞洞屬屬。汲汲皇皇。母以百事之敬。

壞於一事之怠。百日之勤。壞於一日之荒。然而天載精深。輿情紛蹟。倘

睿照之或遺。何以答鑒觀之有赫。曷宜留心於典墳。遜志

於史冊。稽陰陽於圖象。究先天之閫奧。考庶徵於洪

範。協箕畢之嗜好。或博採夫前代之史書。或兼取乎

謨謀之入告。由是而

聖學日勵

聖志

日清薰。猶雜進。不能遁其形。毀譽並陳。不能消吾聽。上得乎天心。亦協乎民情。玉業日懋。大猷允升。鞏無

松鶴山房文集

卷之一 箴三

疆之寶曆。萃億萬之休禎。在昔朝有進善之旌。亦有敢諫之鼓。嘗下採乎工師。亦不遺於矇瞽。蓋主德之

願。諛於庭戶。

高深亦芻蕘之兼取。小臣敬稽首而獻箴。願

得一道人曰。此靖獻之始。本領正大。與曲學阿世者

不同。其筆力在東西京之下。却在唐宋人之上。蓋

其理清。故無浮艷。其骨堅。故無腐語。其針線。似由制義來。却又非但知制義人能事。

黃叔威曰。詞意雅正。源本經術。具見名世風度。

擬

上以漠北蕩平

允廷臣請勒石紀功廷臣

賀表

伏以

聖武震寰區。虎旅奮風雷。肅

皇猷垂宇宙。龍荒瞻日月之光。赴桓之捷。伐大張安

內。必先攘外。赫濯之聲。靈遠暢懷。德本于畏。威

率土騰歡。普天胥慶。臣等誠懼誠忭。稽首頓首。

松鶴山房文集

卷之一表一

上言竊惟王者大無外六合皆在懷保之中聖

世討不庭萬國共凜尊親之戴虞廷道隆揖讓

而苗氏之負固必誅夏后績懋平成而防風之

愆期用戮密人侵阮文王興赫怒之師淮寇驚

徐周宣震鋪敦之烈蓋懲大所以字小豈以中

外殊觀而拯弱必在除殘寧以遠近異視慨自

王靈莫振遂至邊鄙多虞烽火常達于甘泉難

恃叩關款塞敵盟竟臨乎渭水誰言雪恥除兇

竇憲勒銘燕然固乘機而奏績藥師生俘頡利

亦伺釁以圖功從未有奮堂堂正正之師拯一

隅以安萬國樹赫赫明明之烈靖一日以奠千

年如

今日者也茲蓋伏遇

皇帝陛下

道叶清寧

量同覆載

垂衣五位湛恩浹于寰中

舞羽兩階大化被乎荒外固已梯航拱極圖王會

松鶴山房文集

卷之一表二

之共球動植霑仁普鴻鈞之茂育矣乃有喀爾

喀慕化效順而厄魯忒修怨憑陵

聖主體天意之好生欲同歸于在宥

皇衷化物情于大順令息鬪以相安乃蠢爾敢肆鴟

張而醜類猶矜螳臂爰

頌三令

特總六師搖光冲北戒之區妖氛銷于碧漢太白蝕

旄頭之宿劍氣朗于璇霄雲錦千羣房精吐耀

輓輸萬隊芻藁抽芒七萃扈

鑾輿豹尾拂天山之月

六飛度紫塞龍旗凌瀚海之霜於是運

睿略于九地九天震

神威于七擒七縱闕支陣磔先蕩釜底之魂日逐生

降更禡草間之魄營共連乎犄角豕突安施勢

竟等於觸藩踞窮自斃郅支傳首鳴鑿唱朱鷺

之歌大漠未清振旅入白狼之塞從此旃裘毳

帳同安衽席戴

堯天抑且赤縣神州胥慶昇平歌

松鶴山房文集 卷之一 表三

帝力於是列藩上壽百爾稱觴謂宜播之聲詩兼請

銘於金石集麟臺之燕許賡六月江漢之章聚

虎觀之陸潘勒征北平淮之製穹碑插漢借蒲

類海照耀於千秋丹篆凌雲與狼居胥聳峙於

百世臣等韜鈴未諳鉛槧徒勞慙昌黎紀實之

詞敢奮文昌之筆磨定遠勒功石思宣行本之

之威伏願

神謨廣運

文德誕敷

大配天廣配地合九有以為家

車同軌書同文胥八荒而我闡斯振淳風於上理

鐘簴勒乾坤之頌陋七十二代麟文揭曉日以

中天竹帛紀軒吳之徽綿億萬年鳳曆矣

得一道人曰典核精切聲響鏗鏘燕然之頌淮

西之碑恐難專美於前矣

松鶴山房文集 卷之一 表四